

CYFARFOD PENDERFYNIADAU AELOD O'R BWRDD GWEITHREDOL DROS ADDYSG A PHLANT

Dydd Gwener, 18 Mawrth 2016

YN BRESENNOL: Y Cynghorydd

Y Cynghorwyr:

Yr oedd y swyddogion canlynol yn gwasanaethu yn y cyfarfod:

K. Thomas, Swyddog Gwasanaethau Democraidd

Ystafell Bwyllgor Gwasanaethau Democraidd, Neuadd y Sir, Caerfyrddin - 10.00 - 10.10 am

1. DATGANIADAU O FUDDIANNAU PERSONOL

Ni chafwyd dim datganiadau o fuddiant personol.

2. PENODI LLYWODRAETHWYR A.LL.

Bu'r Aelod o'r Bwrdd Gweithredol yn ystyried y ceisiadau oedd wedi dod i law am y lleoedd gwag i Lywodraethwyr Awdurdod Lleol yn y sir. Nodwyd bod gwahoddiad i gyflwyno enwebiadau wedi ei roi i Gadeirydd y Llywodraethwyr, i'r Pennaeth ac i'r Aelod(au) Lleol yn achos Ysgolion Cynradd. Hefyd dywedwyd bod Llywodraethwyr ALI yn cael eu penodi am 4 blynedd ac, os oedd y lle'n wag oherwydd bod cyfnod yr unigolyn yn y swydd yn dod i ben, bod nodyn ynghylch hynny yn y manylion am yr unigolyn os oedd am gael ei ailbenodi.

PENDERFYNWYD, ar ôl ystyried y ceisiadau a ddaethai i law, benodi'r canlynol yn Llywodraethwyr ALI er mwyn cyflawni'r rhwymedigaethau statudol i lenwi lleoedd gwag ar Gyrrff Llywodraethu:-

<u>Yr Ysgol</u>	<u>Y Penodiad[au]</u>
Cwrt-henri (1 lle gwag 1 enwebiad)	Mr A Jones
Gwenllian (2 le gwag 2 enwebiad)	Y Cynghorydd Ryan Thomas Mr M Jones
Llangadog (1 lle gwag 1 enwebiad)	Mrs M. Haines-Evans
Pont-iets (1 lle gwag 1 enwebiad)	Y Cynghorydd T.J. Jones
Bryngwyn-Glanymôr (1 lle gwag 1 enwebiad)	Mr M. Theodoulou

3. DYDDIADAU TYMHORAU A GWYLIAU YSGOL AR GYFER Y FLWYDDYN ACADEMAIDD 2017/18

Bu'r Aelod o'r Bwrdd Gweithredol yn ystyried adroddiad a fanylai ar ddyddiadau arfaethedig tymhorau a gwyliau'r ysgolion ar gyfer blwyddyn academaidd 2017/18. Dywedwyd bod rheidrwydd, o dan Ddeddf Addysg (Cymru) 2014, ar awdurdodau lleol a chyrrff llywodraethu ysgolion gwirfoddol a gynorthwyir ac ysgolion sefydledig i gydlynu â'i gilydd er mwyn sicrhau bod dyddiadau'r tymhorau yr un fath, neu cyn agosed ag y bo modd, ar yr amod y gallai Gweinidogion Llywodraeth Cymru roi cyfarwyddyd ynghylch dyddiadau'r tymhorau os na ellid eu cysoni neu os oedd angen eu newid. Gan roi sylw i ofynion y Ddeddf, yr oedd y dyddiadau arfaethedig canlynol wedi'u paratoi ar gyfer dyddiadau tymhorau a gwyliau'r ysgolion yn sgil eu trafod ac yn sgil ymgynghori'n gyffredinol â'r awdurdodau cyfagos:-

Y Tymor	Yn Dechrau	Hanner Tymor yn dechrau	Diwedd Hanner Tymor	Diwedd Tymor y
Yr Hydref	Dydd Llun 4 ^{ydd} Medi 17	Dydd Llun 30 ^{ain} Hydref 17	Dydd Gwener 3 ^{ydd} Tachwedd 17	Dydd Gwener 22 ^{ain} Rhagfyr 17
Y Gwanwyn	Dydd Llun 8 ^{fed} Ionawr 18	Dydd Llun 19 ^{eg} Chwefror 18	Dydd Gwener 23 ^{ain} Chwefror 18	Dydd Iau 29 ^{ain} Mawrth 18
Yr Haf	Dydd Llun 16 ^{eg} Ebrill 18	Dydd Llun 28 ^{ain} Mai 18	Dydd Gwener 1 ^{af} Mehefin 18	Dydd Mawrth 24 ^{ain} Gorffennaf 18

Sul y Pasg - Dydd Sul 1^{af} Ebrill 2018; Gŵyl Fai - Dydd Llun 7^{fed} Mai 2018

Rhoddwyd gwybod i'r Aelod o'r Bwrdd Gweithredol, pe byddid yn cymeradwyo'r dyddiadau, y byddent yn amodol ar y trefniadau cysoni a amlinellwyd uchod ac felly na ellid eu cadarnhau'n derfynol hyd nes y byddid wedi cael cadarnhad gan Lywodraeth Cymru.

PENDERFYNWYD, yn amodol ar gael cadarnhad gan Lywodraeth Cymru, gymeradwyo Dyddiadau Tymhorau a Gwyliau'r Ysgolion ar gyfer Blwyddyn Academaidd 2107/18.

4. LLOFNODI FEL COFNOD CYWIR COFNODION Y CYFARFOD A GYNHALWYD AR Y 17EG CHWEFROR, 2016

PENDERFYNWYD llofnodi bod Cofnod Penderfyniadau'r cyfarfod oedd wedi'i gynnal ar 17^{eg} Chwefror, 2016 yn gofnod cywir.

CADEIRYDD

DYDDIAD